

Na osnovu člana 16. stav 4. Zakona o Vladi Zeničko-dobojskog kantona ("Službene novine Zeničko-dobojskog kantona", broj 07/10), i Zakona o izvršenju Budžeta Zeničko-dobojskog kantona za 2013. godinu ("Službene novine Zeničko-dobojskog kantona", broj 19/12), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 114. sjednici održanoj dana 25.06.2013. godine d o n o s i

ZAKLJUČAK

**o usvajanju Programa utroška namjenskih sredstava
za uređenje poljoprivrednog zemljišta u 2013. godini**

I.

Usvaja se Program utroška namjenskih sredstava za uređenje poljoprivrednog zemljišta u 2013. godini, u razdjelu 23, budžetska organizacija 01, potrošačka jedinica 0001, Budžeta Zeničko-dobojskog kantona za 2013. godinu, ekonomski kod 614 400, NAD 404, u iznosu od 1.000.000,00 KM (slovima: milion konvertibilnih maraka).

II.

Zadužuju se Ministarstvo za poljoprivredu, šumarstvo i vodoprivredu i Ministarstvo finansija da u skladu sa zakonom i podzakonskim aktima realizuju ovaj zaključak svako u okviru svojih nadležnosti.

III.

Zaključak stupa na snagu danom donošenja.

Broj: 02-_____ /13.

Datum, 25.06.2013. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvu za poljoprivredu šumarstvo i vodoprivredu,

1x Ministarstvu finansija,

1x a/a

PROGRAM
Utroška namjenskih sredstava za uređenje
Poljoprivrednog zemljišta u 2013. godini

Podaci o Programu

- 1. Program je usvojen** Na 114. sjednici Vlade Zeničko-dobojskog kantona održanoj dana 25.06.2013. godine
- 2. Period realizacije Programa** 2013. godina
- 3. Ukupna vrijednost Programa** 1.000.000,00 KM
- 4. Namjena i svrha Programa** Osposobljavanje za poljoprivrednu proizvodnju drugog neplodnog ili poljoprivrednog zemljišta slabijeg kvaliteta. Povećanje proizvodne sposobnosti i unapređenje gospodarenja poljoprivrednim zemljištem. Monitoring uređenog zemljišta i praćenje plodnosti poljoprivrednog zemljišta na cijelom Kantonu.
- 5. Korisnici Programa** Fizička i pravna lica čije je prebivalište i zemljište na području Zeničko-dobojskog kantona.
- 6. Izvori sredstava** Namjenska sredstva u Budžetu Zeničko-dobojskog Kantona za 2013. godinu stavka Finansiranje Projekata iz sredstava prikupljenih pretvorbom Poljoprivrednog u nepoljoprivredno zemljište, a koja se nalaze u razdjelu 23, budžetska organizacija 01, potrošačka jedinica 0001, ekonomski kod , 614400, NAD 404. Na osnovu Zakona o izvršenju Budžeta Zeničko-dobojskog kantona za 2013. godinu („Službene novine Zeničko-Dobojskog kantona“, broj: 19/2012 od 28. 12. 2012. godine)
- 7. Odgovorna osoba** Ministar Bojan Bošnjak

I. U V O D

Svakodnevno se iz poljoprivrede oduzimaju hektari obradivog poljoprivrednog zemljišta za izgradnju naselja, industrijskih objekata, saobraćajnica, eksploataciju mineralnih sirovina ili izvođenje drugih radova kojima se trajno onemogućava upotreba tog zemljišta za poljoprivrednu proizvodnju.

Zakonom o poljoprivrednom zemljištu (*"Službene novine Federacije BiH"*, broj: 52/09) utvrđuju se definicije, osnovna načela i upravljanje, zaštita, korištenje i uređenje, raspolaganje, evidencije i ostala pitanja koja se odnose na poljoprivredno zemljište. Poljoprivredno zemljište Zakon definira kao prirodno bogastvo i dobro od općeg interesa koje uživa posebnu zaštitu i koristi se za poljoprivrednu proizvodnju i ne može se koristiti za druge svrhe osim u slučajevima i pod uvjetima utvrđenim ovim Zakonom. Promjena namjene poljoprivrednog zemljišta provode se u skladu sa planovima prostornog uređenja i aktima određenih citiranim Zakonom. Poljoprivredno zemljište može se početi koristiti u nepoljoprivredne svrhe samo uz saglasnost kantonalnog ministarstva i nakon uplate naknade propisane Zakonom o poljoprivrednom zemljištu.

II IZVOR SREDSTAVA ZA REALIZACIJU PROGRAMA

Ministarstvo za poljoprivredu, šumarstvo i vodoprivredu Zeničko-dobojskog kantona ostvaruje provođenje važećeg Zakona o poljoprivrednom zemljištu na način da u postupku legalne gradnje kao nadležan organ, izdaje poljoprivrednu saglasnost za promjenu namjene poljoprivrednog zemljišta kojom određuje visinu naknade. Propisana naknada uplaćuje se na poseban račun utvrđen za ove namjene, depozitni račun Zeničko-dobojskog kantona broj: **134010000001672, vrsta prihoda 722422**. Stanje ovog računa na dan 24. 04. 2013. godine je **3.062.032,00 KM**.

Ministarstvo finansija Zeničko-dobojskog kantona kao nadležni organ, vodi evidenciju pojedinačnih platnih naloga za ovu vrstu prihoda, izvještava Ministarstvo za poljoprivredu, šumarstvo i vodoprivredu Zeničko-dobojskog kantona o naplaćenim naknadama za korištenje poljoprivrednog zemljišta u nepoljoprivredne svrhe o mjesečnom i ukupnom prilivu sredstava u tekućoj godini, a na kraju godine dostavlja izvještaj o ukupnom stanju na računu. Ministarstvo za poljoprivredu, šumarstvo i vodoprivredu Zeničko-dobojskog kantona na osnovu dostavljenih podataka vodi evidenciju o realizaciji naplate naknade po izdatim saglasnostima za promjenu namjene poljoprivrednog zemljišta.

Shodno prilivu sredstava Ministarstvo za poljoprivredu, šumarstvo i vodoprivredu Zeničko-dobojskog kantona planira korištenje istih za osposobljavanje neplodnog zemljišta, odnosno zemljišta slabijeg kvaliteta u poljoprivredno, te za druge aktivnosti koje su Zakonom propisane.

Sredstva prikupljena od uplata za rad stručnih komisija u ocjeni uređenja poljoprivrednog zemljišta koja se uplaćuju na depozitni račun Zeničko-dobojskog kantona broj:

134010000001672, vrsta prihoda 722631. Sa 31. 05. 2013. godine na ovaj račun uplaćeno je **104.400,00 KM.**

Namjena ovih sredstava je plaćanje stručnih komisija u ocjeni uređenja poljoprivrednog zemljišta, što se realizira u skladu sa Uredbom o sastavu komisija i naknadama članova komisija u okviru kantonalnih organa uprave i općinskih službi za upravu u upravnom postupku (Prečišćen tekst) („Službene novine Zeničko-dobojskog kantona“, broj: 06/04). Preko 50% ovih sredstava je prihod koji ide u Budžet Kantona.

III. NAMJENA SREDSTAVA

Zakon o poljoprivrednom zemljištu (*„Službene novine Federacije BiH“, broj: 52/09*) regulirao je da se sredstva od naknada koriste u slijedeće svrhe:

1. Izradu osnova, programa i projekta zaštite, korištenja i uređenja poljoprivrednog zemljišta;
2. provođenje mjera zaštite, korištenja i uređenja poljoprivrednog zemljišta;
3. uspostava informacionog sistema za zemljište;
4. zemljišni monitoring;
5. izradu karte upotrebne vrijednosti zemljišta;
6. izradu projekata višenamjenskog vrednovanja;
7. realizaciju poslova utvrđenih Strategijom i Programom gospodarenja;
8. dekontaminaciju zemljišta i podizanje zaštitnih pojaseva u neposrednoj blizini putnih komunikacija.

Namjenska sredstva po ovom Programu koristit će se za provođenje mjera zaštite, korištenja i uređenja poljoprivrednog zemljišta

Provođenje mjera zaštite, korištenja i uređenja poljoprivrednog zemljišta, korištenje sredstava po ovoj stavci uređeno je Odlukom o korištenju sredstava prikupljenih od naknada za promjenu na provođenje mjera zaštite, korištenja i uređenja poljoprivrednog zemljišta mjene poljoprivrednog zemljišta (*„Službene novine Zeničko-dobojskog kantona“, broj 10/06*) i Odlukom o izmjeni i dopuni Odluke o korištenju sredstava prikupljenih od naknada za promjenu namjene poljoprivrednog zemljišta (*„Službene novine Zeničko-dobojskog kantona“, broj: 04/08*) kojima se reguliše korištenje sredstava za uređenje zemljišta, a sredstva će se odobravati za kulturno-tehničko uređenje zemljišta, agrotehničke i hidrotehničke mjere i radove na poljoprivrednom zemljištu, kojima se poboljšavaju fizičke, hemijske i biološke osobine zemljišta.

Zemljište koje je uređeno u 2012. godini i koje će se urediti u 2013. godini u narednih 10 (deset) godina, mora se koristiti jedino kao poljoprivredno i ne može mu se promijeniti namjena iz poljoprivrednog u nepoljoprivredno.

Komisije su prihvatile uređenje kod 227 aplikacija koji su ukupno uredili 362,9 ha poljoprivrednog zemljišta.

Broj aplikacija u 2012. godini prevazišao je sva očekivanja jer je u odnosu na do tada rekordnu 2011. godinu kada je bilo 95 aplikacija broj povećan za 132 aplikacije ili 228%.

Povećan broj aplikacija je uslovio da procedura odobravanja sredstava za uređenje nije okončana u 2012. godini, pa je ukupan iznos planiranih sredstava od **1.445.000,00** KM Zaključkom o prihvatanju Izvještaja o realizaciji Programa utroška namjenskih sredstava za uređenje i monitoring poljoprivrednog zemljišta u 2012. godini prenesen u 2013. godinu. Izvještaj je prihvaćen Zaključkom koji je Vlada usvojila 25. 03. 2013. godine na 103. sjednici pod brojem: 02-14-6787/13.

Kompletna procedura sa obračunom naknada za uređenje okončana je krajem februara kada se došlo do ukupne cifre od 2.943.579,00 KM za uređenje.

Isplata sredstava obaviti će se u tri tranše, prva u skladu sa Zakonom o izvršenju Budžeta Zeničko-dobojskog kantona za 2013. godinu koji je usvojen 28. 12. 2012. godine, u iznosu od 1.000.000,00 KM ili u procentu 33,97%. Po realizaciji prve tranše izvršiti će se monitoring (provjera zasnovanih kultura na uređenom zemljištu), tako da aplikanti koji nisu izvršili pomenutu obavezu nemaju pravo na isplatu ostatka sredstava.

Po usvajanju Rebalansa Budžeta za 2013. godinu i izmjene i dopune ovog Programa isplatiti će se druga i treća i to: druga u iznosu od 1.000.000,00 KM ili u procentu 33,97% 60 dana, a treća u iznosu 043.579,00 KM ili u procentu 32,06% 120 dana po usvajanju pomenutih izmjena.

Osim Zakonom utvrđene namjene utroška sredstava, svrha ovog Programa je da se nastave započeti i otvore novi procesi u poticanju razvoja poljoprivredne proizvodnje na području Zeničko-dobojskog kantona. Ulaganjem u uređenje poljoprivrednog zemljišta potičemo i :

- očuvanje poljoprivrednog zemljišta od promjene namjene u narednih 10 godina
- namjensko korištenje poljoprivrednog zemljišta
- povećanje površina obradivog poljoprivrednog zemljišta
- smanjenje površina neobradivog poljoprivrednog zemljišta
- smanjenje površina i uređenje zapuštenog poljoprivrednog zemljišta, koje je zakorovljeno i obraslo samoniklim i šumskim rastinjem
- poboljšanje strukture zemljišta, fizičkih, hemijskih i bioloških osobina zemljišta
- sprečavanje erozija kao posebnog odnošenja zemljišta
- povećanje proizvodne sposobnosti poljoprivrednog zemljišta
- kultivaciju pašnjaka, a time i poboljšavanje kvaliteta trave za ispašu stoke i proizvodnju sijena.
- povećanje nivoa poljoprivredne proizvodnje
- stvaranje konkurentnijeg poljoprivrednog proizvođača
- omogućavanje ekonomičnijeg pokretanja poljoprivredne proizvodnje

Realizacijom nabrojanih poticajnih mjera doprinosimo strategiji gospodarenja poljoprivrednim zemljištem, odnosno unapređenju poljoprivredne proizvodnje na području Zeničko-dobojskog kantona.

Pregled plana utroška sredstava za 2013. Godinu

R/B	Vrsta sredstava	Rok za realizaciju aktivnosti	Iznos planiranih sredstava u (KM)
1.	Namjenska sredstva		1.000.000,00
1.1.	Provođenje mjera zaštite, korištenja i uređenja poljoprivrednog zemljišta	Do kraja juna 2013. godine	1.000.000,00
UKUPNO:(1.1.+1.2.)			1.000.000,00

IV. KRITERIJI ZA KORIŠTENJE SREDSTAVA ZA UREĐENJE POLJOPRIVREDNOG ZEMLJIŠTA

Po ovom Programu sredstva za uređenje zemljišta mogu se koristiti samo za uređenje neplodnog zemljišta i poljoprivrednog zemljišta slabijeg kvaliteta na području Zeničko-dobojskog kantona.

Pravo na korištenje sredstava po ovom Programu, imaju pravna i fizička lica, vlasnici ili zakupci zemljišta sa područja ovog Kantona, koji ispune propisane kriterije iz Odluke o korištenju sredstava, Uputstva o korištenju sredstava i ovog Programa.

Uz prijavu na Javni poziv za uređenje zemljišta kandidati, uz propisanu dokumentaciju, prilažu projekat uređenja zemljišta urađen od strane pravnog lica, registriranog za te poslove ili urađen od strane dipl. ing. poljoprivrede uz reviziju projekta od strane Federalnog zavoda za agropedologiju Sarajevo.

Projekat obavezno treba da sadrži:

1. Dokumentaciju o vlasniku/vlasnicima i korisnicima poljoprivrednog zemljišta (kopiju katastarskog plana, posjedovni list ili zemljišnoknjižni izvadak parcele ili parcela koje su predmet uređenja),
2. Opće karakteristike područja gdje se nalazi parcela kandidirana za uređenje poljoprivrednog zemljišta (klimatske, pedološke, hidrografske),
3. Pedološki nalaz zemljišta prije uređenja parcele,
4. Projektno rješenje za poboljšanje kvaliteta obradivog poljoprivrednog zemljišta (tehničko uređenje terena, hidrotehnički i agrotehnički radovi),
5. Predmjer predračun radova,

V. REALIZACIJA PROGRAMA

Program će se realizirati u 2013. godini.

Broj: 02- _____ -1/13.

Datum, 25.06.2013. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvu za poljoprivredu šumarstvo i vodoprivredu,

1x Ministarstvu finansija,

1x a/a

